

Na osnovu člana 122. stav (3) Zakona o poljoprivrednom zemljištu („Službene novine Federacije BiH“, broj: 52/09), federalni ministar poljoprivrede, vodoprivrede i šumarstva **d o n o s i**

PRAVILNIK
O IZMJENI PRAVILNIKA O USLOVIMA I NAČINU KORIŠTENJA SREDSTAVA OSTVARENIH OD ZAMJENE, ZAKUPA I KONCESIJE POLJOPRIVREDNOG ZEMLJIŠTA U VLASNIŠTVU DRŽAVE

Članak 1.

U Pravilniku o uslovima i načinu korištenja sredstava ostvarenih od zamjene, zakupa i koncesije poljoprivrednog zemljišta u vlasništvu države ("Službene novine Federacije BiH", broj 78/09), u članku 6. tabela br. 1. mijenja se i glasi:

Tabela br. 1

	oranice	livade	pašnjaci	zapušteno
	vrtovi			trstici
	voćnjaci			močvare
	maslinici			neplodno
	vinogradi			
	zakup, dugogodišnji zakup KM/ha	zakup, dugogodišnji zakup KM/ha	zakup, dugogodišnji zakup KM/ha	zakup, dugogodišnji zakup KM/ha
početna cijena – za područja iznad 1000 mnv*	50	30	20	10
početna cijena – za područja iznad 600 mnv*	75	50	40	15
početna cijena – za ostala područja	150	100	80	30

* metara nadmorske visine“

Članak 2.

Ovaj Pravilnik stupa na snagu narednog dana od dana objavljivanja u „Službenim novinama Federacije BiH“.

Broj: 03-2-02/1- /23

novembar 2023. godine
Sarajevo

MINISTAR

Kemal Hrnjić

O B R A Z L O Ž E N J E

I P R A V N I O S N O V

Na osnovu člana 122. stav (3) Zakona o poljoprivrednom zemljištu („Službene novine Federacije BiH“, broj: 52/09) Federalni ministar poljoprivrede, vodoprivrede i šumarstva donio je Pravilnik o uslovima i načinu korištenja sredstava ostvarenih od zamjene zakupa i koncesije poljoprivrednog zemljišta u vlasništvu države.

II R A Z L O Z I Z A D O N O Š E N J E

U Pravilniku o uslovima i načinu korištenja sredstava ostvarenih od zamjene zakupa i koncesije poljoprivrednog zemljišta u vlasništvu države („Službene novine Federacije BiH“, broj: 78/09) trebalo je izvršiti izmjenu sadržaja tabele br. 1. dodavanjem novih redaka kojima se uvode nove početne cijene zakupa i dugogodišnjeg zakupa različitih kategorija državnog poljoprivrednog zemljišta.

Naime, do sada je početna cijena zakupa i dugogodišnjeg zakupa državnog poljoprivrednog zemljišta bila jednaka za cijeli prostor Federacije Bosne i Hercegovine.

Međutim, sukladno EU zajedničkoj poljoprivrednoj politici, a s tim u vezi i s ciljevima i prioritetima u novoj sektorskoj strategiji za poljoprivredu i ruralni razvoj Federacije BiH, područja sa prirodnim ograničenjima prepoznata su kao posebno osjetljiva područja.

U okviru područja sa prirodnim ograničenjima najviše takvih ograničenja imaju planinska područja odnosno područja sa nadmorskom visinom iznad 600 metara. Na tim područjima postoje značajna prirodna ograničenja za bavljenje poljoprivrednom proizvodnjom zbog:

- kraćeg vegetacijskog razdoblja (kasniji početak i raniji završetak vegetacije),
- manjeg broja sunčanih sati u godini,
- smanjenja mogućnost uzgoja u plodoredu,
- ekstremnih vremenskih uvjeta koji otežavaju boravak i rad na takvim područjima (visok snježni pokrivač, niske temperature i sl.).

Iz navedenih razloga prinosi poljoprivrednih kultura, a time i prihodi od poljoprivrede na takvim područjima su u pravilu znatno niži nego na ostalim područjima.

Pored toga zbog velike prosječne udaljenosti od gradskih centara i prometne izoliranosti troškovi proizvodnje na tim područjima su veći nego na ostalim područjima.

Zbog svega navedenog početna cijena zakupa državnog poljoprivrednog zemljišta na takvim područjima treba biti niža, što je i predloženo u izmjeni ovog Pravilnika.

Člankom 2. propisano je stupanja na snagu ovog Pravilnika.

III U S K L A D E N O S T

U pogledu usklađenosti sa pravnim naslijeđem Europske unije (acquis), predmetna oblast pravnog propisa - Pravilnika o uslovima i načinu korištenja sredstava ostvarenih od zamjene zakupa i koncesije poljoprivrednog zemljišta u vlasništvu države regulirana je kroz „Nacionalni propis“.

IV F I N A N S I J S K A S R E D S T V A

Za realizaciju ovog Pravilnika nisu potrebna dodatna izdvajanja finansijskih sredstava iz Proračuna Federacije Bosne i Hercegovine.